

中國方志叢書·華南地方·第二八四號

據

民國·周恭壽修，趙增纂
民國二十五年刊本

影印

貴州省

續遵義府志

(十)

成文出版社有限公司印行

中華民國六十三年六月臺一版

續遵義府志

全十冊

發行人：**黃成助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

續遵義府志卷二十七

年紀二

自咸豐十年庚申起至同治三年甲子止

咸豐十年庚申正月于鍾嶽以秦安慶救涓潭兼攝縣事仁懷縣土匪起知縣沈浚平之

鍾嶽以縣丞秦安慶率團練胡先紹兄弟軍援涓潭先攻下白鶴洞洞即匪首唐宗所據者也時賊已棄城去廖遇春入城稟報克復舉安慶自代鍾嶽與鄧爾巽亦交薦安慶遂攝縣事留先紹合軍屯正渭界助勦綏陽團練則屯綏渭界防賊署巡撫海峽秦平越州失陷請以涓潭甕安兩縣暫歸遵義府管轄

仁懷縣土匪陳啟頭結張老么等豎扶明滅清反旗
知縣沈浚檄團捕之匪首中鎗死餘匪逃逸

二月詔以田興恕為貴州提督帶兵入黔

興恕先曾解黎平府圍軍聲頗壯至是粵賊石達開
有入黔信而前提督蔣玉龍以矢陷大營革職遂命
興恕增兵二萬由湖南轉餉討賊

三月李榮進軍湄潭豬場

時榮病駐團溪軍事悉委廷瑗遂率軍前進攻濫泥
壩取水牛山涼水井崇福寺遣團首許權章壁瞰豬
場賊突出攻權章營廷瑗乘虛襲豬場賊走聚仁院

廷瑗移勢奪聚仁院又取亭子壩住兵相犄角逼近

檀木園

一名雞
驚園

天臺山諸賊震恐悉出聲勢張甚廷

瑗自奪羊巖關後即嚴羊巖河一帶防守至九皇渡
故賊蹤絕遵義境無後慮自軍緒場設糧臺於濫泥
壩以團首牟世忠守之賊襲濫泥壩糧臺失陷牟世
忠死難團首趙洪開聞訊渡河救援敗於拖船壩亦
死

四月白號賊圍秦安慶於湄潭火樹營分股竄入綏陽
正安

初安慶援湄潭以綏陽團紳向春陽宋人鳳子示元

為先鋒湄潭復後屯綏陽界上時湄潭城雖復而民
人遷徙僅留空城安慶既攝縣事築營於城西龍保
塘號火樹營衣飾旗幟悉用玄色稱烏旗隊署貴西
道竇奉家遵義府吳德溥以安慶防勦得力會飭遵
綏正三邑各籌千人練費助之安慶既破唐宗於白
鶴洞前見宗求援於白號首匪劉義順遂偕湄潭武生
王考等率黨攻火樹營安慶不支退火樹坳正安邊
防軍誤聞營陷與綏陽先鋒軍同驚走安慶告急奉
家德溥會調府經歷楊蔭棠軍渡上關五里坎以牽
賊勢並檄于鍾嶽赴援鍾嶽遣團出永興場楊二塚

為賊陷不得達退屯李村賊乘勢分趨洞平場又遣
黨出南捷壩繞綏陽縣鄭場上坪大路槽長望繳水
至旺草順河場杉板槽為團首陳甘棠蔣開林所敗
賊改趨正安州謝壩松坪于鍾嶽遣胡先紹等率練
擊之賊退據屯山時賊既分股外竄安慶得以解圍
敗賊於山羊口陣斬伍得勝李二娃子嚴二蛇諸賊
時陳四古董據聚寶場張二亭據皂角橋皆受唐宗
偽命涓潭無地非賊矣

六月田興恕兵至甕安縣攻黃號賊於玉華山

賊陷甕安團紳商景陽遣姪肇淮至銅仁迎興恕軍

興恕進至縣屬松坪黃號首領何得勝王廷英向宗
慶等率黨數萬人傾巢而至興恕敗之賊自相踐踏
死者無算悉逃奔城遂復而雄部仍據玉華山興恕
以部將雲南昭通鎮總兵沈宏富防城自提軍攻玉
華山何得勝見圍急出間道走尚大坪尚大坪亦賊
大股所在也得勝既去留王廷英守玉華與天鵝寨
高貞觀諸賊譚光前趙款石四貴等互相援應興恕
遣宏富何選士進逼平安營一名乾溪趙款戰敗自焚高
貞觀黨併集於天鵝屯興恕攻屯破之斬賊十七人
趙款遁何得勝來援聞天鵝破退回尚大坪而玉華

卒未下

七月白號賊退出綏陽境

署綏陽縣朱文香偕前任鄧爾巽調集團兵分攻綏陽洞平場賊潰馬頭山畧走猷甯坪鍾子巖至官田壩為湄潭衆茹含章等卻走

八月副將李榮攻克檜木園旋病卒府經楊蔭棠攻寨上下之

榮至豬場仍病趙廷瑗率營官鄒德全甘超王恩崇圍首盧培義合軍攻河坪賊陣斬千餘人俘虜亦多王廷英率餘衆走檜木園乘勝追之探悉石冷水有

小徑通賊營後初九日廷瑗率龔在耀李昌錦等繞
攻其後鄒開貴陳儒彥王恩榮胡國銘龍洪光馬占
高等分攻左右兩路蔣洪順陳紹平蘇得勝舒洪恩
李洪發張永春等直攻中路別遣鄔德全盧培義錢
萬衡等攻山脊子營陣斬賊目羅大五斃賊五百餘
代理甕安縣陳聘儒軍亦至遂下檄木園王廷英退
回玉華山榮至團溪病不治事至此增劇請檄委廷
瑗治軍返至南隅哨探壩卒 窰上與高臺皆湄潭
南境要地與遵義東南接界久為賊據欲由三渡關
竄入遵境賊首王廷英遣黨屯黃家壩距三渡近以

壯聲勢府經楊蔭棠帶邊防軍先攻黃家壩

蔭棠庫生後保

至知

府時湄潭龍泉思南餘慶石阡各處團衆流離在

道為賊阻隔思歸不得皆願隨蔭棠軍殺賊蔭棠以
平越武庠吳元彪統之助攻中路自辛練分左右擊
之自辰至巳斃賊五百餘立拔其壘十七日進攻窰
上偽元帥曹宗乾營以圍首楊臨川攻其前李培忠
攻其後百長張鳳翔先陷陣凡窰上一帶大營子營
巖洞均下宗乾負創走蔭棠移營窰上圍首李培忠
別營羅兜壩二十五日宗乾復糾大股攻羅兜壩培
忠與戰陣歿並亡團丁百餘人蔭棠遣吳元彪指示之

賊乃退

九月綏陽縣曾家山教匪起

冊檔案

學政黃統至府歲科

考均並試

曾家山在綏陽東北層岡聳峙與龍泉馬頭山相望
是時知縣鄧爾巽方在綏陽南境小關龍水平因涓
賊侵入與戰不利乃調防涓園首王崇植率原練千
人回綏約涓潭秦安慶又暨及曾家山教匪起不能
兼顧貴西道竇奉家飛檄于鍾嶽由正安勦之

平黔紀畧

十月粵賊由黔西竄擾仁懷桐梓入川境

時粵賊石達開大隊入黔田興恕尚在甕安攻玉華

不下粵賊破廣順距省垣僅百餘里署巡撫韓超起
興恕至省粵賊圍入川境前隊先由黔西入仁懷奔
桐梓過新棧成義團圍首蕭龍與其弟蕭才率圍堵
禦均戰歿遵義南鄉監生劉秉招客龍家亦罵賊死
賊意在川不能久留悉竄川東而去

十一月提督田興恕至省總兵沈宏富攻玉華山不下
退屯於花山

時石達開勢張甚田興恕兼程至省垣防守留宏富
攻玉華興恕屯兵久賊得以窺官軍虛實既去軍力
愈單而宏富才氣不能統軍懾賊興恕派分統姚華

勝由遵義來助勦南抵江家坪王廷英出間道圍之
宏富解玉華山圍援救無勝退屯於猴場之花山賊
更增黨進營白巖以相對抗

十二月遵義縣鄧爾巽大括軍需

爾巽江甯人秉性貪虐田興恕飭設釐金收款七成
解助軍餉不足則勸紳民量力捐輸爾巽任意掊克
初定名曰團捐量團大小捐輸多至數百兩再別名
曰提差捐近城四隅富戶入城捐輸自百兩千兩不
等至再至三即數金亦為捐戶統名戶捐率練往各
鄉以上中戶分派捐戶有先期繳者則曰汝有餘有

後期繳者則曰汝抗令均令倍繳即如期繳者則曰爾好百姓宜再樂捐違者即治以把持之罪即予監追無力鄉民多以婦女簪環實其數收括遂空

咸豐十一年辛酉正月遵義各屬設局徵釐金

初蔣立炳署桐梓縣以軍餉無出凡經過縣境商鹽每包征銀三錢全年可收銀一萬餘兩江炳琳兼攝縣事月中收銀亦如之後以賊匪偏地轉運維艱商情不樂暫議停止至是田興恕兼署巡撫各路兵事方殷餉項無出奏請設局抽釐遵義之有釐局始此二月盜殺桐梓縣知縣陳世銛於太白亭南路軍務趙

廷瑗卒於軍

世銛黃平知州世鑣弟

世鑣咸豐八年援夔安在牛場中賊伏死難

松坎

既設釐局夜郎壩太和團團首王正儒勢雄一方有意遏阻以養團兵為名私權於新街子有不從者輒奪之事聞省垣興恕以世銛奪情署任密令圖正儒世銛既至詢知正儒與仁懷團首羅順有隙將往尋仇世銛先至新棧聲言欲為解釋而預伏兵以待正儒與其兄同謁世銛方數語而伏練突起於座上誅之其兄起搏世銛亦為伏練所戮從來者悉格斃世銛亦創步至太白亭

距新棧里許

為正儒黨趙鐵匠戕害

興恕聞變秘之檄竇奉家查辦罪余映一人寢其書
平黔紀畧廷瑗自去臘取得檄木園是月又取鎗打
並趙草志石止軍廷瑗在軍謹慎自以軍渡河多取賊巢穴要
隘又常以兵戍羊巖河本鄉遂三年不覩賊踪人得
安耕鑿然兵多餉常不濟廷瑗深引為慮而終年蟻
甲未遑甯息遂積勞病歿於軍自是南路軍事以鄔
德全接統退還遵境適總平水里團務者為李方琳
而德全無獨當一面之才邊防因弛而遵境遂從此
不可問矣

三月提遵義常平倉穀供軍餉